

嘉慶廬州府志

廬州府志卷二

賜進士出身廬州府知府溫陵張道雲主修

山川志上

廬郡山川名最古蜀山肥水見於爾雅可証經義好古之士所宜詳攷然或古今異稱陵谷易處浮濃施水俗沒其名唐后二山入於他邑苟陂旣廢支流不至於合肥滁水有原故道不登於志乘今一切按古書正之先列名山川次及里俗妄名之岡巒港汊庶免縉紳不雅馴之誚云

府治合肥山

潛山

方輿勝覽潛山今州治所據言舒之潛山其二支至此而伏輿地紀勝略同余忠宣公郡城隍廟記云阻江扼淮大邦維廬夾城於肥萬人以居天作潛阜以殿其旅

大蜀山山上有泉甘美歲旱禱雨輒應

方輿勝覽大蜀山在合肥縣南二十里爾雅釋山蜀者獨也此山獨起無岡阜連屬故名

輿地紀勝合肥四郊坦夷蜀山傑出於其右上有寺曰開福又有永濟龍王廟

明隆慶志去城西二十里遠見二百餘里郡城鎮山

江南通志自崑崙中幹以河爲限其岐分中支自河南之桐柏山東南爲大蜀小蜀爲天柱而諸山在江南北者又

從分支縷析翔伏蜿蜒大抵複峯抱流雙渠環阜而人文
物產之興此其脈絡也

明黃道日遊蜀山詩春色坐來晚山閒盡日青無風雲
黛合欲雨草煙腥泉涌畱僧異龍枯結塚靈湖天遙在

目臨望若爲醒

明張翥遊蜀山同孫可推詩郡城西接蜀山頭夏木千
章蒼翠浮蜃起南巢疑貝闕水環神姥卽青卽勝遊不

負三年約塵事卽從一醉休旋闕荆榛攀絕頂望中雲

日通關愁

明龔志益蜀山詩昔年曾此問巖阿醉倚南窗共放歌

一逕鳥聲喧夕照半湖帆影亂橫波林深石磴通遊屐

松下寒泉映女蘿今日重來尋舊跡龍孫憔悴已無多

明黃道年陪何別駕登蜀山詩春入郊原草色班開闢

結駟嘶關開樽勝境供談笑載筆名山任往還煙樹

依稀青嶂外晴湖隱約白雲閒夜深風雨遲歸興那屋

酣眠一榻閒

龔士正蜀山卽事詩重到城西感夢華擁壺雜坐醉流

霞鐘鳴禪院林逾靜雪滿前邨望欲賒共挂瘦筇尋鳥

道細談觴改剪澁花何時隨意成孤往并解春衫付酒

家

李天發九日登蜀山遠眺詩爲窮幽勝一扶筇躡晨晴
登最上峯南望湖光淨夕景東來山色澹秋容逼天氣
卷荒巖霧出谷聲飛野寺鐘共勉盡傾桑落酒斜陽影
裏辨樵蹤
寒光一派起秋城萬樹風高落葉聲斷湖水痕留宿霧
平江艸色晃新晴鄰鄰峭壁黃雲散歷歷長湖紫霧清
真訝諸君詞賦健龍山賓客舊知名
又九日遊蜀山詩重登極望樹千章款段風柔趁夕陽
叢竹修藤無定境黃榆烏柏有微霜雲間梵宇疎鐘遠
山下人家晚稻香却悔數年遊宦拙等閒帶負秋光
香利忘歸憶慧公居人尙解說遺風影堂瓔珞傷秋曉
法座珠璣感數蠅拂空傳山雨黑龍青猶餘土花紅
千年往跡須臾事幾度登臨嘆轉蓬
郎守張祥雲蜀山詩爾雅蜀者獨茲山因得名孤標摩
碧漢遠勢壯金城嵐翠千層積川原四望平上方鳴法
鼓應有整龍驚

小蜀山

方輿勝覽小蜀山在合肥西四十里

按明隆慶志云在城西二十里誤蓋在大蜀山西二十里

耳

浮槎山

山上有泉味甘朱歐陽文忠作記文載浮槎泉下歲旱時雨輒應

隄地里志慎縣有浮閣山

太平寰宇記

浮閣山亦名浮槎山在慎縣東南四十五里

方輿勝覽在梁縣東南三十五里按隋志云有浮閣山俗傳自海上來昔有梵僧過而指曰此耆閣一峯也梁天監閒帝女總持大師於此建道林寺

輿地紀勝略同

明隆慶志在城東八十里

宋釋用遜題浮槎山詩山爲浮來海莫沈蕭梁曾此布黃金梵僧親指耆閣路帝女歸傳達磨心地控好峯排萬仞澗餘流水落千尋靈蹤斷處人何在日夕雲霞望轉深

明黃道月登浮槎山詩山雲紛應接駐益騁雄觀樹老

青桐蝕泉枯白練乾風吹蘿欲立霧淨石長寒一著登

臨履千峯色自開

李天馥浮槎山詩貴主禮金粟精舍藏浮槎大家方捨

身女亦怨薄迦羞吹來鳳簫法喜隣柔嘉蒼涼千載餘

奇峯空湖涯遺蹟鬱窈窕道林茲非耶一井甘泉水一

樹石橋花

郡守張祥雲浮槎山詩海客乘槎汎滄海客去槎畱幾

千載誰將神物歸口靈擘作奇峯浮渤澥蓬瀛方丈稱

三山此峯勢與爭噴噴馮夷翻風鯨鼓浪遂令漂蕩來

人間金斗城東八十里疊嶂層巒半空起高僧飛錫西

天來指說開耆一峯是蕭梁佞佛尊浮屠帝女夜夢山

中居詰朝披圖得形肖道林祝髮爲緇徒至今梵宇開

崇阜祠斷碑殘苔色朽猶傳塔下海槎紅植自總持大

師手山頭有泉冽且甘下有龍窟潛深潭噓氣爲雲沫

爲雨禱而輒應膏澤含壬戌之秋亢陽烈北陌西阡龜

兆坼祭零空瞻上帝居焚香近四山靈宅仙之人兮下

層穹輟走列缺驅豐隆須臾巖壑變陰晦一雨霑足千

村同嘉禾就枯更抽穗吾民望歲情差慰與誦寧知默

相功卻欣甘澍隨車至歐陽作記傳千秋汲水遠醜誇

李侯我今新年獲靈雨愜心豈獨林泉幽好倩五丁勤

守護嗟峨永鎮淮西路江湖尺畝濤寬莫遣浮來又

浮去

四鼎山 又見巢縣

隋地理志襄安縣有四鼎山

方輿勝覽四頂山在合肥縣東南寰宇記作四頂郡國志

云魏伯陽煉丹之所

按郡國志無此語

明隆慶志四頂山在城東七里俯瞰巢湖四峯特起亦

名四鼎

唐羅隱遊四頂山詩勝景天然別綺藍入畫圖一山分四頂三五瞰平湖遇夏僧無熱凌冬草不枯遊人來此

地頗蕪穢和鬚

唐張彥修四頂山詩翠巒齊聳壓平湖晚綠朝紅畫不

如寄諸商山閑四皓好來各占一峯居

明許如蘭登四頂山望湖詩嵯峨直上極層椒絕頂峯

烟四望遙山色西來連霍麓清聲東去逐江潮天邊賈

舶千帆遠水底魚龍萬象驕況是仙靈多窟宅伯陽丹

鼎黃道年登四鼎山詩振衣高處聽鳴榔烟樹蒼茫隔

水鄉莓蝕斷碑丹竈遠竊懸殘壁白雲長瀕湖魚浪翻晴雪歸路樵斤下夕陽莫道停車畱信宿風流今始寄

山房

楊揚龍四頂山詩振策茲山頂平湖落眼前四峯如削

地一水欲浮天黛壑雲常護丹爐火不然如何人到此多半話求僊

王祖怡四頂山詩僊家丹竈白雲迷望裏嵐光四頂齊若把蜀山移到此居然五嶽峙淮西

龍穴山

方輿勝覽龍穴山在合肥縣西一百三十里穴上有池張

又新以此水爲第十

輿地紀勝略同詳見龍池山泉下

孤山

輿地紀勝孤山在合肥縣東一百里巢湖中

康熙志其山突然孤起城東南一百里

李天馥孤山詩方驚波勢險中流忽孤嶼無地接郊原
有天近風雨一壁插九霄千尋迴數武世界入虛空歲
月迷今古春色半連吳瀨氣遙涵楚攻岸龜鼉鳴鼓浪
蛟龍怒呬落暗遠洲帆影渺前激重階遞嵯峨磴道盤
曲阻下方復無垠躡足烟霞俯巖洞豈氣氤蔚奇聳石
乳荒亭世代遙停午濃霏聚老樹相蔽虧奇聳石
矯矯緣雲巔翺翺皆靈羽翫顧動清機自然成律呂塵
器覺潛遁彷彿躋玉宇撫茲怡我神飄飄欲輕舉

雞鳴山

輿地紀勝雞鳴山在合肥縣

康熙志在城西北四十里上有龍井肥水自紫蓬山出東
北經此入金斗河

姥山

方輿勝覽姥山在巢湖中湖陷姥升此山

康熙志在城東一百里

明熊文舉姥山記焦湖曠渺相傳一百八十里有山如螺浮于其中字之曰姥蓋歷陽之故事也山之上近建浮屠本形家言增廬郡人文之勝吏其土者寔主之余以老秋瀾酒登陟益綜覈庀材伐石之事焉夫山卓立湖心孤矣近僥之又復逶迤蜿蜒風氣阻蓄乃宅百家諸文學利其幽僻選社結盟藜火焚焚上冲霄漢子飲龍生草堂生告余是村陸步之外皆水非筏不通居人醉隴外戶可以不閉余笑語龍生是何必問津武陵若使春來一棹經過桑麻楚楚四面桃花水天一色正不辨山之爲姥也有頃渡湖夜宿中廟廟在湖濱樓閣峭起憑欄俟望湖耶水耶嵐光耶英英白雲耶是出沒者鳥鳴耶葉舟耶漁燈箇箇耶立而端詳所謂姥山者是耶非耶有耶無耶余不能言其際矣唐羅隱詩臨塘古廟一種仙繡幌花容色儼然爲逐朝雲來此地因隨暮雨不歸天眉分初月湖中盡香散餘風竹上烟借問已沉水事已經秦漢幾千年明郡人龍給事詩南巢湖上山託居航地僻茆屋入鏡光芳林帶環碧造化固安排蟠龍鎮泉脈時聞杖策行登眺跨山脊披雲躡蒼崖捫蘿緣翠壁長吟驚飛鴻小坐憩盤石新沐秋風清延覽湖光白

許孫落望湖中姥山用昌谷雁門太守行韻詩驚濤洗
根根不摧中流力抵東西關曉氣空濛烟霧裏烟消日
出山光紫堦影倒插飲湖水山翠平鋪風揭起一卷一
勾豈常存巨壑洪波神不死

程汝璞姥山夜泊詩一舟輕似葉放乃泊秋山疏酌臨
風舉蓬窗帶月關目隨青嶂遠心與白雲閒漁火孤蘆
外淩波自往還

李天馥遊姥山詩碧雲樓閣倚烟鬟門徑青溪玉一灣
別苑波澄疑弱水遠帆影亂似君山寒潮虛白淩炎羽
晚霧空清冷琅環聞道祈靈諸女盛藤蘿香徑古躋攀

小峴山

輿地紀勝小峴山在梁縣東南四十里

明隆慶志在城東七十里梁書韋叡傳天監四年叡遣梁
郡太守馮道根攻魏小峴城進討合肥卽此

金牛山

輿地紀勝金牛山古圖經云昔有牛從此山出奔入江人

逐之有渚謂金牛渚在合肥縣見類要

大潏山

〔明隆慶志〕在城西一百里巔有泉清冷不竭

石佛山

〔天下名勝志〕小蜀山又十里爲石佛山其山兩旁皆石中有一逕曰竹岡卽李陵峽也

〔明隆慶志〕在城西五十里山頂有三石佛今不存

周公山

〔康熙志〕城西南七十里有周瑜廟今廢

紫蓬山

〔康熙志〕城西南七十里李陵廟又名李陵山肥水發源

於此

按水經注肥水出良餘山俗謂之連柳山亦或謂之獨山當卽此山也

馬鞍山

明隆慶志在城西南七十里以形名

蓮花山

明隆慶志在城西一百里有石鑿蓮花故名

土山

明隆慶志在城北四十里

縣志在城西北四十五里

龍泉山

明隆慶志在城東五十里絕頂一水洄波遶殿徑注僧厨

梅子山

明隆慶志在城東南七十里

縣志在城東五十里

伏羲山

明隆慶志在城東七十里上有伏羲廟

季季青伏羲山詩虛白曳雲衣濃綠施烟鬟翠嶺失平地剛耿當重關鈎梯聳絕壁清澗時彎環啼鳥異凡聲老鹿馴欲飲仙未審上古帝遺蹟奚由傳盛衰幾滄山名猶昭然或因開流俗故開淳樸天所以高尚士必託義皇年低徊動遐矚百里落眼前二華與五時俱可攀蟻觀殿閣渺何許鍾磬非人間青松涵太空浩蕩難追攀堪嗟下土愚瞻顧知無端迴風吹矯首斜日催征鞍靈境不可駐此去仍塵寰

黃山

明隆慶志在城東一百二十里其山聯疊三百六十峯有泉四時不涸

縣志一名東黃山連含山巢縣界

青陽山

明隆慶志在城東六十里元余忠宣公讀書處

方山

明隆慶志在城東六十里山頂四平

李天馥方山詩處處巒峰巒勝登臨實快哉依稀行霧上彷彿入雲來碎石珠屏險澄湖寶鏡開分明仙境裏爭忍下塵埃

雞嶺山

縣志在城東南七十里

龍山

縣志在城東北一百里

千字山

縣志在城西南七十里相傳有樊噲墓

金斗岡

明隆慶志在府治東北

八斗嶺

縣志相傳嶺下有陳思王墓

季子青八斗嶺詩悵別白馬王東阿謂身後斯人止四
十曠代誰八斗才名是處重僻地爭培塿不見洛川神
哀滿瀉林藪

餘峴口

明隆慶志卽小峴之餘通全椒路

龍鳳口

明隆慶志在潛山通六安舒城

康熙志龍鳳口在大潛山東南通舒城北往壽州

黃山

縣志在城東南九十里山接巢縣界有泉四時不竭亦名龍泉山非連含山之東黃山也

鞞山 又見巢縣

縣志在巢湖中

昆侖山

縣志在城西四十里

東山口

明隆慶志云城九十里通巢縣

徐廣詩殘雲入林青落日滿山紫岡頭牛羊下樵歌半
停止我本勞形人殷勤問村市笑迎孤鶴來茶烟正初
起

舒城山

龍山 一名龍眠山卽龍舒山

太平寰宇記舒城縣有龍山按括地志云龍山在舒城狀
如龍形

元豐九域志舒城有龍山

輿地紀勝龍舒山晏公類要云今號龍山在舒城縣

輿地紀勝龍眠山在舒城縣西南八十里春秋卽如臥龍

狀邑人李公麟因取此山號龍眠居士

天下名勝志龍眠山之陰爲龍眠寨有泉水可舌人屯

宋黃庭堅詩諸山何處是龍眠舊日龍眠已不眠聞道已隨雲物去不應只雨一方田

元虞集龍眠山莊園送舒城雙尹詩髮侯起高科得邑舒水上民淳事稀簡田野甚怡曠戰爭遺跡泯山水良足賞幽棲南昌尉英爽赤壁將古仙家白雲美人化黃壤岩岩龍眠山一士獨可尙高懷託千載妙畫極羣象向來讀書處春雨草木長愔愔昔賢遠瑤席共來享彈琴坐終日微泉散清響來者安可期徘徊以惆悵畫圖記彷彿聊以慰遐想

鹿起山

輿地紀勝鹿起山在舒城縣東南三十里嶽山圖跋云昔

有名僧過其下鹿自山出僧因此卽其地以化

康熙志上有南嶽行祠祠前有試心臺洗劍池

兩秦民悅詩山名鹿起壯舒鳩巖翠奇峯爽氣淨竚望
只居紅日下登臨已出紫雲頭靈湫石瀨生風雨古廟
簷牙挂斗牛回首青松舊林壑依稀時聽韻呦呦
明祝富鹿起山詩少年曾此一登臨白首重來感慨深
鹿自何年甯起跡鳥從幽處送佳音路岐歷歷隨南北
山色青青自古今老倦那堪步危險歸懷先已度遙岑
孫昌裔鹿起晴嵐詩天然捲在玉瑤山一抹溟濛路九
灣歌咏太平誰逐鹿城頭拱揖對蒼顏
胡永亨前題詩亭亭雲外鎖巖窠仰止千秋只此山繞
砌苔痕隨意綠唧花有鹿上柴關
陳其璧登鹿起山詩烟樹空濛渺翠巒躋攀到處有奇
觀望湖尖隱潮痕白洗劍池清月影寒出暮藤蘿雲斷
續碑深苔辭字凋殘徘徊領得名山趣疑在匡廬頂上
看

春秋山

方輿勝覽春秋山在舒城縣南三十里有李公麟讀書臺
輿地紀勝山有洗硯池及望湖尖鳳凰臺仙人峯仙人迹
絕頂有洞可容數千人

天下名勝志 響山又五里爲春秋山唐貞元中有二衲脫解在此遺骨尙存其來也實春秋之時遂以名山

明隆慶志在縣南二十五里

今考在縣南二十里

明鮑捷登春秋山絕頂詩道出舒南廿里餘峯巒隱隱禪居因詢老衲求遺跡云是公麟此讀書撫石已無龍隱處臨池尙有墨花滿臺荒風去傷今古斜日昏

集敝廬

郭維禪春秋山詩巉巖山最古遺跡帶烟霞香泉青精葉雲飛紫棟花微風醒宿酒細雨凌新茶安得龍吟在談經北斗斜
方誠登春秋山詩十里青山葉未凋道入邀我白雲關天風吹送空聲落秋到高峯幾樹間

雲霧山

輿地紀勝雲霧山在舒城縣西三十里遇陰雨則雲霧先

出其上故以名之

天下名勝志在縣西南四十里其山雲見卽雨相傳鬼谷子隱于此山山上有水簾洞亦有石洞

明隆慶志在縣南四十里

今考在縣西四十里

郭維祺雲霧山詩白雲橫澗起駐馬岡山名古意高峯見秋聲觀壑生談經依鬼谷放鶴出彭城太息幽人去空谷自月明

響山

方輿勝覽響山在舒城縣南二十五里相傳過其下者常聞山中有聲如鼓是以得名

明隆慶志在縣東二十五里

今考在縣東南二十五里

多智山一名三角山

隋地理志開化縣有多智山

太平寰宇記三角山在舒城縣西南二百五十里為五里山峯似角一名多智其山出水以潤益生人飲之聰明博敏故曰多智

天下名勝志在縣西百二十里峯有三角故名

明隆慶志三角山在縣西一百二十里

今考在縣西南一百一十里

按隋志廬江郡無舒城開化縣蓋跨今舒城霍山二縣地至唐廢開化於其地置舒城而此山遂在境內

鼓樂山

輿地紀勝鼓樂山在舒城縣南八十里與法華山相對舊傳梁武帝未有嗣寶誌云有高人隱此山中道行頗高三生前乃伶官作樂可致後生昭明太子以是得名

王姥山

天下名勝志王姥山在舒城縣南三十里昔有王姥脩行感白鹿獻花之瑞卽輿地紀勝之桡姥山也

明隆慶志王姥山縣西八十里近此又有桡姥山今考在縣西八十里

梅福山

輿地紀勝梅仙觀在舒城縣西七十里梅福山

明隆慶志梅山在縣西七十里漢南昌尉梅福隱于此

今考在縣西五十里

余懸熙遊梅山尋梅仙洞詩此山梅作蛇真賞者高覽
梅以人斯壽人因梅是仙皮皴苔作色幹老石爲年不
盡後刻意新詩字字集
又花原仙作骨豈待歲寒知剝落神彌王孤清韻益奇
暗香難入畫疎影只宜詩欲問幽棲客憑梅可寄思
望越遊梅仙洞詩特爲梅花訪此間道人邀我過柴關
夕陽谷口鳥呼鳥野水空林山外山樹挂藤蘿鸛鵲顏
崖抽石笋鷓鴣斑洞中嚼雪吹簫者贈我寒香頓解顏
芒文纈梅山曉烟詩昔聞仙尉隱茲峯矧護巖巒曉正
濃樹色踈靡迷翡翠嵐光清潤馮芙蓉一朝吳市遇名
松姓千載舒鳩記遁踪此日登臨尋古蹟霏霏冷霧起長

南峽山

太平寰宇記南峽山在舒城縣西南一百里山有兩峯夾

道故曰峽山連峯夾嶂綿亘甚遠北至舒城東至廬江南

至桐城西至壽州盛唐界

輿地紀勝南峽山晏公類要在舒城縣

按縣志境內無此山名疑卽俗名豬頭尖

馬鞍山

明隆慶志在縣南三十五里以形名

縣志在縣西南三十五里舊名天馬山明崇禎八年監生
李逢亨與其弟聚集鄉勇于上以禦賊兄弟力戰死今山
頂廢壘猶存又曉天西亦有馬鞍山去縣一百三十里

屏風山

明隆慶志在縣東三十五里以形名

今考在縣南三十里

華蓋山

明隆慶志在縣西四十里望如華蓋

一統志周二十五里高百丈三峯竝峙望如華蓋

竝坐山

明隆慶志在縣東南二十五里有兩山竝峙

七門山

明隆慶志在縣西南三十五里山瀕大溪下有石洞如門

者七

方山

康熙志在縣南五十里土人曾結砦以避兵

竹山

康熙志在縣南二十五里上有竹峯庵地極幽勝

永興山

康熙志在縣南三十五里爲梅心驛鎮

法華山

康熙志在縣西南八十里

縣志一名法華寨

張應元法華山詩龍舒幽靜地絕頂見烟霞有選皆依竹無畦不種茶石深雲裏窟蒼苔剝凍前花爲報山靈識題詩到法華

香鑪山

康熙志在縣西一百二十里以形名

陽山

康熙志在縣西南一百二十里地勢極險土人作穴避兵處

孟潛山

康熙志在縣西六十里險峯特立傳爲孟將軍退隱所居
縣志一名孟尖寨

卓筆峯

明隆慶志在縣西一百二十里以形名

明顧璣詩卓立羣峯迥不羣中書未必盡如君濡來河漢三更露掃破虛空一片雲神有巨靈方可把族非毛穎不須分翰林子墨能如此擬賦長揚更作文

胡世球卓筆峯詩筆走龍蛇動有清胡然安坐岡畔巖兔藏深窟思毛穎竹長懸巖識管城一片雲來鋒盡禿幾行雁過字分明映山花發春如錦豈待江郎夢裏生

仙女峯

明隆慶志在縣西一百里

按縣志作仙人峯

禮義峯

明隆慶志在縣西南九十里

今考在縣西南六十里亦稱禮義尖土人訛爲鯉魚尖

望湖峯

康熙志在縣西九十里登之可望焦湖

二姑峯

康熙志在縣南四十五里

今考在縣治東與廬江接壤

鼓架嶺

明隆慶志在縣東南三十里

康熙志在縣南四十里嶺作峯

天台嶺

明隆慶志在縣南一百里其幽勝可擬天台

揚旗嶺

康熙志在縣西南七十里相傳昔人避兵于此寇至則揚

旗聚眾以扼之

石壁嶺

明隆慶志在縣西南七十里有巨石壁立

康熙志作巨壁峯誤

木瓜嶺

明隆慶志在縣西二十里

今考在縣西南六十五里

鵝石崖

明隆慶志在縣南十五里上兩石竝峙俗呼爲小赤壁上有竅深尺許相傳有金鵝抱雛翔去

瀑布崖

唐熙志在縣西南五十里

白水崖

唐熙志在縣西南六十里上有白水庵

馬蹄岡

明隆慶志在縣西南四十里上有馬蹄跡世傳天馬過此

今考在縣西南五十里

仙人洞

輿地紀勝仙人洞在舒城縣春秋山

桃源洞

明隆慶志在縣西九十里

主簿原沖

康熙志主簿原沖在縣西南一百六十里崇山四圍其中
平行有田百餘頃唐相畢誠僑寓讀書之所

今考在縣西一百八十里

友鹿沖

康熙志在縣西六十里山水奇麗秦司徒民悅世家于此

明顧言友鹿沖石牛詩石歸山之阿形象似牛伏脊分時雨涼歸封草烟綠小童騎鳥健於此若並牧短笛晚風前吹出無腔曲

曉天沖

康熙志在縣西一百里山高水聚初曉時不見日惟見天光故名溪太僕中玉於此築曉陽莊

平田沖

康熙志在縣西一百二十里峯巒迴合田疇平衍

東西御沖

康熙志在縣南三十里兩峯相夾中多奇致

高峯山

康熙志高峯山在縣西南七十里上有東嶽行祠

磨劍山

康熙志在縣西南三十五里上有大石爲仙人磨劍處

廬江山

冶父山

魏書地形志廬江郡潛縣有野父山

隋地理志廬江有冶父山

太平寰宇記冶父山在廬江縣東北二十里按左傳桓公十三年楚使莫敖伐羅楚師大敗莫敖縊於荒谷羣帥囚於冶父卽此地也

江南通志引朱碑曰鐵冶蓋冶鑄之所林巒峭密盤亘數十里自麓五里而至于巔上有龍湫亦曰鑄劍池

天下名勝志引濡須志云冶父山在廬江縣東北二十里舊爲冶鑄之所比嶽山獨尊故曰父自麓至巔幾五里有三百六十四子山羅列其下泉源亦多上有冶父寺舊傳歐冶子鑄劍處山蟠迂亘數十里前有龍湫百尺崑袞袞櫃白佛崑諸勝

明隆慶志在縣東北二十里

按魏書地形志廬江郡潛縣有野父山卽此山至左傳所稱之冶父當在郢都之側故羣帥囚於此以聽刑按荊州記州東三里餘有三湖湖東有水名荒谷又西北有小城曰冶父水經注荒谷東岸有冶父城今荊州府江陵縣東之冶父城是也寰宇記以廬江之冶父山當之誤矣

唐王元載詩石磴開松徑禪房結翠岑銛金元有怪
錫本無心被冷雲生屋窗明月透林晨興足行色馬生
鐵長吟

明羅鳳詩松蘿通曲徑樓閣俯遙岑偶此尋遺跡因之
慨素心劍魂清劫火泉脈寄叢林寂歷烟霞晚山空百
鳥吟

明何遜詩長劍欲一淬夜尋冷父山攬衣望奇氣直在
斗牛間

又歐父何爲者空山日月深池上當年石應知百鍊心
明張潯詩樹裏標金刹雲中望玉岑一經慈悲地暫息
市朝心鶻遠鍾鳴閣僧歸月在林仍聞餘劍氣午夜海
龍吟

又危磴曲盤空層梯湧梵宮龍池猶射斗石匣已飛雄
策馬衝山霧被襟鬪谷風塵寰餘淨土蹊徑得闢通萬
象微茫裏三天指顧中不禁征鷲促延賞思何窮
于覺世冷父山與星朗和尚茶話詩擊車臨香界山逕
何均皆石梁通遠瀑竹逕盤蘿萬陰森清客處蒼翠失
清曉一僧下烟霧髮短風格老拄杖看鶴還採藥得句
好攷關懸度來入座諸峯遠高閣臥閒雲石牀棲山鳥
拈花叅秘諦蹊徑爲一掃會心不在多談言微以香甘
載櫻座勢脫解未能了指點悟無生拙管何不早騎首
冷父山烟嵐幻晴吳何時一結廬與爾棲座表

梅山

太平寰宇記梅山在縣東三十里按左傳楚師伐鄭右回梅山楚師多凍卽此山也

輿地紀勝引晏公類要梅山在廬江縣

天下名勝志引郡國志云梅山側有廬江王墳但風雨晦冥卽聞金石聲

明隆慶志在縣東南四十里相傳曹公率兵望梅止渴處按寰宇記謂楚師伐鄭右回梅山卽此山考左傳右回梅山侵鄭東北則梅山當在鄭東北界上又上文次魚陵城上棘次潁涉旃然皆在今河南汝州及開封境內不應右師獨相距若是之遠杜注以爲在滎陽密縣者本不誤也

寰宇記不足据至明隆慶志以此山爲卽曹公率兵望梅止渴處尤屬荒唐惟縣志云其山多梅故名差爲可信耳山在縣東三十里

三公山 又見無爲

隋地理志廬江有三公山

太平寰宇記三公山在廬江縣南一百五十里有三峯相去一里俗傳頭皆東顧似有顧瞻江東之意天寶六載改爲東顧山

康熙志三公山在縣東七十里

按隋時此山專屬廬江至宋熙寧三年析廬江置無爲縣山遂兩屬故縣志州志皆載之今考此山在無爲西南一

百二十里廬江東南七十里然占無爲地多當以屬無爲爲是至太平寰宇記以爲在廬江南一百五十里者誤也

東顧山

元豐九域志廬江有東顧山

舊志在縣東五里俗呼馬家山

按此東顧別一山與三公山之一名爲東顧者爲二一統

志誤合爲一今正之

神交友詩靜坐意何如開軒放山入山覺有異情稜稜山竹立昨日看山時雲深山半襲薰風自南來須臾聲收拾紛紛草木移次第若呼吸返照過前山遙見石痕濕好景不可常令予感遂集

金牛山

天下名勝志按志有金牛嶺在西北三十里絕頂有塔鐵

云吳赤烏二年造舊有金牛裂土而出故名山

明隆慶志在縣西北四十五里巔有塔赤烏三年造俗傳有金牛裂土而出

康熙志在縣西北四十五里

按魏書地形志廬江郡之接壤者爲西汝南郡領縣二首安城註有金牛山卽此蓋南北紛爭沿邊戍守多設郡縣相爲犄角故廬邑遂有兩郡治今考縣志山在縣西北四十五里山頂有塔造於吳赤烏二年圯於康熙三十八年

藍家山

隋地理志廬江縣有藍家山

今考縣治無此山名康熙志云郎官山俗呼藍關山疑卽

隋志藍家山未知是否郎官山在縣東南五十里

蹋鼓山

隋地理志開化有蹋鼓山

按隋志開化縣跨今霍山舒城二縣地而不及廬江以下
註云有衡山多智山知之也然則蹋鼓山其卽舒城之響
山歟至江南通志以廬江之百藥山當之亦非是

百藥山

天下名勝志百藥山在鍾繇山南十里相傳李百藥來遊
故名

通志引宋碑作白若

明隆慶志在縣南十里山多產藥相傳唐李百藥遊此

康熙志百藥山世傳李白採藥至此宋碑作白居易謂青蓮所居無可考也頂上棋盤石有仙人足跡蹋之聲如鼓聞數里又名石鼓隋志有蹋鼓山

今考縣志云宋碑作白若若與藥音之訛也至易若爲居則又字之訛矣康熙志謂有石蹋之如鼓聲今則不然豈好事者浪傳歟

樵山

唐地理志廬江有樵山

明隆慶志天井在縣東七十里上有井又名樵山

康熙志龍池山在縣西三十五里一統志作樵山

按樵山唐志作樵一統志作樵康熙志以爲卽縣治西之

龍池山至天井山在無爲與廬江接界當屬之無爲其橋山之名或係龍池或係天井則未可懸知也又縣北三十里亦有龍池山

白茅山

唐地理志廬江有白茅山

康熙志白茅嶺在縣西四十里

九卿山

又見無爲

天下名勝志引紀勝云九卿山在廬江縣東今呼爲九峯

南畿志近三公山接廬江界

今考九卿山在無爲州與廬江接界在縣東南七十里當屬之無爲

鍾繇山

天下名勝志廬江縣南有鍾繇山其上有鍾繇書室又十里爲百藥山

今考縣境無此山

毛公山

天下名勝志毛公山在廬江縣東北七十里
有毛公洞廣九尺深三丈相傳後漢毛義隱處石窗石甃猶存

明隆慶志在縣東北七十里

明吳世基毛公山石壁詩濡須襟帶江之側西望名山何率嶽山有洞兮屯烟雲舊稱旁是毛公宅毛公至性高古今青史猶傳捧檄心爲親屈兮非爲名至今石壁萬風生我時躋陟訪遺跡四面平湖映山碧水簾石磴列洞旁翠竹蒼松疑手植毛公毛公亦何爲洞雲高臥絕塵縉可知世外餐霞趣卽在橋頭捧檄時相傳石上

鷗詩律此事從疑未可必苔蘚紋深何處尋空有雲山
相拱揖君不見山花山鳥自千年盡是天然詩百篇我
來登眺懷前賢凌空長嘯青峯巔

大四山

天下名勝志引南畿志廬江縣西南四十里有大四山以
形似名其山險怪有嶽廟有龍祠有洞巷有仙女石輿地
紀勝云廬江仙女洞有石名仙女臺卽此

明隆慶志在城南四十里其山四圍高中下

鳳臺

明隆慶志在縣南十里昔傳鳳集其上傍有銅坑今無

礬山

元豐九域志廬江有礬山鎮

明隆慶志在縣南四十里以上產礬故名

按宋史地理志廬江縣有崑山礬場卽此山

秀山

明隆慶志在縣南五十里其山蒼秀

福泉山

明隆慶志在縣南十五里山下有泉清澈飲之愈疾

鴨池山

明隆慶志在縣西南二十里嶺有池池邊有鴨爪石跡存

蜃山

隋地理志廬江縣有聖山

天下名勝志蜃山在廬江縣東北二十里下瞰白湖湖周

圍七十餘里跨六鄉與巢湖連接流入大江

縣志今蜃山疑卽聖山

今考山在縣東北三十里下瞰白湖湖與黃陂湖後湖相連不通巢湖名勝志誤

馬槽山

天下名勝志馬槽山有魏武時寨壘其上有飲馬池又云繡溪發源馬槽山

明隆慶志在縣西五十里以形似名

白石山

明隆慶志在縣北二十里山多白石

康熙志頂有龍池仙人洞

龍池山

康熙志在縣北三十里有龍池東數里爲龍隱巷一洞深不可測

王蹕山

天下名勝志金牛城南畿志謂其處有王蹕山曹公所嘗駐蹕處

按縣志在城西三十里

馬頭山

康熙志在縣東北七十里按晉書毛寶援桓宣於此又妖賊司馬徽聚眾馬頭山劉牢之遣將討滅之

光明山

天下名勝志按仙釋志廬江縣光明山在縣南七十里有光明寺

黃銅山

康熙志在縣西二十五里上有龍王廟下有居士祠中有牛山亭唐地理志廬江有銅或以此得名

塢山

康熙志在縣北三里有塢碑曰鴻寶朱時邑主山也

石屋山

康熙志在縣東北七里東顧山旁有洞如屋

暖塘山

康熙志在縣東十里下有溫泉可浴

發洪山

康熙志在縣東北十五里有龍王廟下出泉凡三處其一曰笑泉

青龍山

康熙志一在縣西南二十五里上有龍王廟一在縣東南亦二十五里

今考在西南者距縣十五里在東南者二十五里

獅子山

康熙志在縣西三十五里尖有龍井

關山

康熙志在縣西十五里曹魏守隘之所石門尚在冷水關

巡司相去一里許

今考此山在縣西二十五里

牌山

康熙志在縣西四十五里接舒城縣界

石龍山

康熙志在縣西三十里

八窖山

康熙志在縣西三十里關山之西馬槽之東

齊山

康熙志在縣北七十里其陰爲焦湖

嶺山

康熙志在縣北七十里在焦湖中與姥山相望亦猶小姑相望有鞞山也

高唐山

康熙志在縣北七十里有汪神廟
今考在縣北三十里

岳山

康熙志在縣東南七十餘里山北接無爲州界

菖蒲山

康熙志在縣南二十里

浮祥山

康熙志在縣南三十里三寶寺在其麓

鐘鼎山

康熙志在縣東南五十里一名鍾子山盤礴甚遠頂有龍池

龍門山

康熙志在縣東南四十里

黃山

縣志一名黃石山在縣東南七十里疊嶂相連有兩峯尤高峻非晴天爽朗罕見其巔上有石牛仙人洞諸勝爲邑東南之祖山

金頂山

康熙志在縣東南七十里形如覆釜與黃石山相近

鉛山

康熙志在縣東北七十里其山產鉛今無

五馬山

康熙志在縣北七十里

姥山

康熙志在縣東七十里下臨白湖

棲鳳山

康熙志在縣東北三十里昔聞有鳳棲焉

紅桃嶺

康熙志在縣西北四十餘里

分路嶺

康熙志在縣東北二十餘里

走馬嶺

康熙志在縣西四十餘里自此走馬而上至劉郎砦

諸葛嶺

明隆慶志在縣東北二十里諸葛亮說吳道經於此故名

棲鳳嶺

明隆慶志在縣東二十里

分水嶺

康熙志在縣南六十里

分鄉嶺

康熙志在秀山裏與無爲界

今考嶺在縣東南七十里距秀山甚遠舊志誤

尚溪嶺

〔康熙志〕在縣南七十里通桐城上有五顯廟

白羊岡

〔康熙志〕在縣東三里上有石羊二

龍頭岡

〔康熙志〕在縣東北二十里

盤石岡

〔康熙志〕在縣東二十里土堆連疊如盤

見洋岡

〔康熙志〕在縣北六十里行者至望見焦湖

風洞巖

康熙志在大凹山第三峯巖上有庵又一洞深不可測投以莖草卽隨氣飛起

祖師巖

康熙志在秀山褒伏虎禪師舊曾棲息

水簾洞

明隆慶志在縣南門外相傳左慈隱處

明潘公年詩昔有古仙人於斯煉金液一朝羽化去此
境餘陳迹洞門閉石骨松蘿陰寒翠唯有餐霞人時來
漱泉石

將軍口

康熙志在縣東北七里石屋山過嶺處

夾山口

康熙志在縣東北八里東顧暖塘兩山相夾

石硤口

康熙志在磚橋上內路通灰河諸處

石龍口

康熙志馬頭山過脈處

今考縣志在縣東北七十里

小關口

康熙志在黃銅山邊

今考在縣西三十里

伏虎巖

今考在縣東治父山

王如綸詩狂歌得高朋飛屐事幽討夜宿禪寺深晨興
佛燈小露洗竹風清鳥鳴山月曉翻經會真詮未語意
了了

無爲州山

紫芝山

方輿勝覽紫芝山在無爲州錦繡溪西皇祐間生紫芝

明隆慶志在城西南宋皇祐間產紫芝三十五本郡守茹

孝標獻於朝

銀瓶山

方輿勝覽在無爲軍城之西時有雲氣以形似名

明隆慶志去州西北五十一里一峯特起狀如銀瓶故名

葉廣登銀瓶山詩陟彼銀瓶山萬壑在其下雲從衣上生泉向空中瀉樹密亂啼鶯崖懸遲度馬峯迴路欲迷攬轡問樵者

濡須山

天下名勝志濡須山在州東北五十里一名偃月城世傳大禹所鑿東西二關稱爲險隘吳呂蒙守此聞曹兵將至乃夾水築塢如偃月形後人謂之偃月城與含山交界亦名東關山

七寶山

天下名勝志濡須山曰東關七寶山曰西關所謂雙峯也古有雙岸院

龔相詩南北安危限兩關奔流一去幾時還淒涼千古戈地春水方生鷗自閒

青檀山

一明隆慶志青檀山在州北五十里產青檀故名

通志北魏拔僕蘭設伏檀山破宋將魯爽卽此

一按通志此山下引水經注廬江雩婁縣南大別山一名檀山誤也淩水所出之檀山今當在霍邱境內淩水出而北入淮非此檀山也

白石山

一隋地理志襄安有白石山

州志在城北四十里

按此與廬江之白石山爲二山

上谿山

隋地理志廬江有上薄山

江南通志桐山在無爲州西九十里有水道通白湖漁人用箔取魚又名上箔蓋卽隋志云廬江上薄山也又有下箔山

按此山於隋時本屬廬江宋熙寧中析巢廬江置無爲縣山遂屬無爲

呂泉山

天下名勝志引南畿志云呂泉山在州西北五十里一名龍吼山一名石音山昔呂仙卓劍而泉湧出石底纍纍若貫珠

相山

〔天下名勝志〕相山在州西北五十二里山下爲宋王樞密故居樞密諱藺廬江人乾道進士

狐避山

〔天下名勝志〕狐避山一名狐鼻山在州西六十里宋紹興初郡人王之道保聚其上羣寇不能侵

毛公山

〔天下名勝志〕毛公山在州西六十二里有毛公祠洞中四壁遍刻毛詩世傳毛萇讀書於此或曰後漢毛公卽奉檄而喜者母旣亡交辟不出隱居於此

天井山

〔天下名勝志〕在毛公山東三十里山有青龍白虎二泉其

寺卽名雙泉寺澗水流出名楚雲澗

康熙志在州西北九十里

三公山

天下名勝志引南畿志載入州南百二十里近廬江界

康熙志州西南一百二十里上有三峯

九卿山

天下名勝志引南畿志九卿山近三公山

明隆慶志在州西南一百里有煉丹處

太平山

明隆慶志在州北五十里上有龍湫

王畝尖山

明隆慶志在州北五十里頂平五畝許可種植

白馬衡山

明隆慶志在州西北五十里世傳魏武牧馬之地

曹家山

明隆慶志在州西北五十里以魏武嘗屯兵名

沙白曹家山詩東關西關兩隘口曹家孫家畫界守虎關龍爭四十年此地終爲阿肅有漢家丞相親出師如龍如鬼生同時一樣遺踪須塢上行人只拜武侯祠

朝喜山

明隆慶志在州西北四十里歲旱朝有雲氣是日卽雨民

皆喜故名

楊乾朝喜山古東庵詩石炊升午烟雲影動相及清閣歌高區鴻漢古氣入孤峯俯見孫贍日寒江急夕陽懸

山影餘綺不受繫三千大千界諸佛聞嘆息念子熱中人肌骨成冷疾聞說無生妙志優苦不立乃茲臨高遠良久百端集

雲霧山

明隆慶志在州西南九十里山頂時有雲霧

陽山

明隆慶志在州西四十里相傳魏武屯兵此山之陽

明張轍陽山別墅詩藜杖休撐破草扉放他秋氣入簾幃香消翠沼荷衣老色蔭青畦菜甲肥小燕欲歸辭故壘閒鷗相狎浴斜暉不知落罷黃昏雨梧葉枝頭幾箇稀

飯蘿山

明隆慶志在州西南五十里以形名

園山

明隆慶志在州西北九十里其形圖

石礪山

明隆慶志在州西南七十里多石

岳山

明隆慶志在州西南一百二十里有南嶽行祠

崑山

明隆慶志在州西一百二十里山產礬上有石佛下有清

水潭

按此崑山別一山與廬江礬山之古名崑山者爲二今竝

不產礬

大龍山

州志在城北五十里爲無爲州巢縣分界處

明劉崧大龍山詩山下孤村隔水斜茆簷日日白雲遮
空林莫道無春色已放疎籬幾樹花

孔山

康熙志在城內西隅景福寺後州志云形如飛鳳蓋孔山
與芝山爲治之兩翼舊卑於城四五尺有挾青烏之術者

云此山當興後山不培而長城外望之見山頂數尺

季步騫飲飛山園亭詩小閣重亭晝不關居然城郭見
深山芙蓉木末三秋冷明月松間五夜閒接岸板橋扶
醉渡穿花石路貧詩還謝公雅興圍棋墅邱壑風流未
可刪

太山

康熙志在北門城外東嶽廟後爲州治臺山

祈雨山

明隆慶志在州西北六十里下有徐渡井歲旱祈雨于此處輒應

明朱治庸登祈雨山詩爽氣豁朝色山松隱細香人分花露碧鳥亂石烟黃絕頂堪窮目平腰可納涼多情雙野老攜酒共徜徉

曰山

明隆慶志在城南六十里世傳神仙搗藥處有石曰

巖臺山

明隆慶志在州西北五十里

雙泉山

明隆慶志在州西南八十里山頂有泉二四時不竭

眉山

明隆慶志在州西南一百里以形名

蕊珠洞

在州開城鄉州舊志作崔仙洞郡人吳廷翰遊此見其乳融結遂易以今名

明朱智蕊珠洞詩境勝接不暇遊儕勇堪買曉還盤雪
冰幽巖峻仙戶儼認松喬居遙翳三珠樹荆芥閣攀躋
興深忘險阻健者獲先登語笑聞元國余屏援掖入寬
然訪堂廡石竇透天光厓壁涵寒乳旁探迥難測冥奧
憚深取陟嶺霧蒙晨出山日亭午偕遊導野僧森饒賴
田父終饒從羽人採服生毛羽

天井洞

明隆慶志在州西北九十里洞在天井山

呂仙洞

明隆慶志在州西北七十里石泉藥日世傳唐仙人呂

洞賓曾搗藥於此

巢縣山

臥牛山

方輿勝覽臥牛山在巢縣城南

天下名勝志在縣治後形似臥牛故名亦傳巢由偕隱處
輿地志云臥牛山背有桀王城

曹祖慶登牛山頂望巢湖詩山椒置酒蔭松蘿遙聽漁
舟欸乃歌獵獵雄風生大澤垂垂雌霓寬飲長河帆檣幾
道凌空渡烟火千門向晚多惆悵此時徒作賦不堪歲
序日蹉跎

腳躡山

太平寰宇記腳躡山在巢縣南三十七里山北臨濡須港
接顧野王輿地志云東關口有腳躡山昔岷箕也春秋傳

云楚子觀兵于坻箕山上此是也

元豐九域志巢縣有坻箕山

天下名勝志陳書荀朗破郭元建于脚礪山卽此地又名楚歌嶺

亞父山

隋地理志襄安有亞父山

太平寰宇記亞父山在巢縣東十里漢居巢人范增楚王立爲亞父死于山傍故曰亞父山

方輿勝覽亞父山在巢縣東二十里昔范增居此山之陽天下名勝志在縣東十里卽范增所居又有旌鼓山以增從項王時曾建旗鼓于其上

居巢山

太平寰宇記居巢山名如墨山在巢縣南六十里其溪谷間有墨石研之如墨因以爲名天寶六年敕改爲居巢山

巢山

太平寰宇記巢山本名道人山在巢縣西南百里天寶六年勅改爲巢山

方輿勝覽巢山在巢縣西南百里

宋陸務觀巢山詩巢山避世紛身隱萬重雲半谷傳樵響中林過虎羣蟲絲葉成篆風颭水生紋不踏溪橋月

仙凡自此分又短髮巢山客人知姓氏誰穿林雙不借取水一軍持渴鹿羣窺淵驚猿獨排枝何曾蓄筆硯景物自成詩

王喬山卽金庭山亦名紫微山

隋地理志襄安有紫微山

太平寰宇記王喬山本名黃山在巢縣西南九十里昔王子喬于山採藥向紫微山學道遂名玉山後人語謬呼爲黃山其山出黃精之藥天寶六年勅改爲王喬山

方輿勝覽王喬山在巢縣西南九十里昔有王子喬於此山採藥遂得名

天下名勝志按志王喬山去縣北九十里道書第十八福地卽金庭山上有金庭洞神仙志曰王仙君洞在紫微山中可容三百人坐山巔之旁有小山卽洞所長二十五步闊丈二尺高五尺東戶闊丈五尺有蝙蝠如鴉戶內有古

石壇高八尺闊丈五尺壁上有大人手跡王子喬洪崖先生竝于此得道後閉穴而去晉初會稽道人游先生以杖撥開洞門亦得仙去山本名翠游居時有紫雲覆其上遂名紫微真羽客棲真之所也多玉蘭蕙草

明隆慶志金庭山在縣北九十里紫微山在縣北九十里王喬山在縣北九里

按明志王喬紫微金庭各一山道里亦異疑誤

天下名勝志引紫微觀古碑隋開皇十四年劉穎制銘其略云廬州襄安縣紫微館晉咸康四年會稽道士王妙才之所朔也銘石尙存乘鳧馭鶴吹笙脫履而歸舉手長別十數字餘皆皴剝不可讀

宋王令阮美成詩曉出城東宿霧收藍輿來作紫微遊
見巖鶴老松喬去空見玉壺風露秋

又幾疊青山一逕賒隔橋雲樹隱仙家登攀爲愛湖山

好緩步閒行到日斜

又滿湖葉下曉風寒日上金庭恰一竿行遍杏花泉畔

路紫雲深處見星壇

又雙鳬飛去舊巖開松老雲閒鶴不迴惟有桃花與流

水自隨春色出山來

又一溪流水過雙池池外三峯雲四垂行到唐人題字

處紫薇巖下立多時

又紫翠山圍小洞天洞中石下有寒泉他年誰補圖經

閣合在康王谷水前

又湖上西風折葦蘆水橋斷岸柳蕭疎誰人肯出丹青

手寫作金庭烟水圖

又紫薇溪水遶山鳴雲外霜鐘一兩聲雙屐知歸林下

過路人疑是謝宣城

明方名榮王喬洞詩新霽白雲飛輕陰落翠微泥封苔

蘚苔樹老薛蘿衣

見泉根暖丹甍石乳肥夜深松際

鶴常是月明歸

明劉崙王喬洞詩十里烟霞入翠微石門蘿薜帶春暉

烏啼竹徑客初到花落茆堂僧未歸獨向溪陰尋野鶴

不妨苔色點征衣百年二妙風流在洞口仙鳬何處飛

明劉琰王喬洞同陳明府侯張侍御詩波光曾挹大江
東千載風塵此再逢枳棘忽驚新借鳳江山猶識舊乘
輿庭中結袂有知已座上彈冠笑轉蓬更欲憑虛借鳬

鳥扶飛遙指建章宮

明王勃王喬洞詩洞接前山與後山雙鳬飛去竟無還

石壇千載今猶在野艸春花盡日間

郭奎望黃山詩昔曾避地黃山曲今在丹崖正而看曉

翠障空迷去馬晴霞迎日見飛鸞九華高竝芙蓉秀五

老遙連濕布寒中有羽人期汗漫拂衣松石待休官

又山中喜晴詩山中有羽人期汗漫拂衣松石待休官

潤水從松杪落半空雲逐馬頭行居人向暖分茶樹啼

鳥知春喚客名不惜看花兼問酒東風歸路草袍輕

張那禮過黃山詩路轉峯回更有村人家半是石爲門

竿酒旆飄牆角幾點溪花暎水痕隔籬烏啼青樹杪

半山半臥白雲根寥寥雞犬疎籬下彷彿桃源風致存

東山

天下名勝志東山在巢東三里有東山居巢子祠唐劉知

幾封居巢子時建下有抱書橋宋縣人呂士元抱書自溺

死見古迹

半陽山一名半湯山

隋地理志襄安有半陽山

太平寰宇記半湯山山下有泉半冷半熱以名之

明隆慶志半湯山在城東北五十里羅隱詩云飲水魚心知冷暖濯纓人足識炎涼

龜山

隋地理志襄安有龜山

太平寰宇記巢縣黃沙城郡西有小隴山龜頭城存焉

明隆慶志龜頭山在縣西南五十里俯瞰湖濱以形似名

四鼎山

隋地理志襄安有四鼎山

太平寰宇記巢縣四鼎山郡國志云卽白狗山人得道處
又魏伯陽以白犬試丹處

按此山郡縣舊志俱不載今據隋地理志太平寰宇記增
入隋時無居巢縣襄安縣蓋得今無爲西南境兼及巢縣
合肥二縣之地今此山在巢合肥二縣界內

張培撰四鼎山詩問說仙人宅飄然試一坐平分峯四
角俯瞰恨千層竈冷理靈藥梯危攬菁藤趨庭聊縱目
何取慕飛昇

附農山

水經注江水自濡須口又東左會柵口水又東逕南譙僑
郡城南又東絕塘逕附農山北又東左會清谿水

天下名勝志附農山一名浮農卽志所謂芙蓉山也在縣東南二十里

明隆慶志芙蓉峯去城東南二十里一名浮濃爲巢羣山之冠

采阮美成芙蓉山下亭詩湖上東風已破冰澗泉敲石作春聲一枝瘦竹山前過到處梅花相作行

刺史山

韓綜山

按二山見水經注在巢縣今失考

七寶山

方輿勝覽七寶山在巢縣濡須山謂之東關七寶山謂之西關

明隆慶志在巢縣東南三十里上有烟霞亭

按山跨巢縣無爲界上

八公山

方輿勝覽八公山在巢縣西北苻堅時所望草木爲晉兵之山

天下名勝志引宋中興錄紹興十一年元术入寇駐紮皋劉錡王德等敗之于此因復廬州

明隆慶志在巢縣上有淮南王廟

按江南通志引綱目集覽云山在壽春者王與八公愁處在巢縣者王遇八仙處方輿勝覽以爲卽晉敗苻堅處非是

溪淮南王八公遊煌煌上天照下土兮知我好道公來
下兮公將與子生毛羽兮超騰青雲蹈梁父兮覩見瑤
光迴北斗兮馳乘風雲使玉女兮含精吐氣嚼芝草兮
悠悠將將天相保兮
唐吳資八公山詩幼度提督師胡卒驚鶴張城外軍屯
壘可數不可計至今風雨夜鬼哭雜異類
宋王安石詩淮山但有八公名鴻寶處金竟不成身與
神仙守都則何能雞犬得長生

大秀山

明隆慶志在縣南三十里宋楊傑詩水入平湖千里遠山
橫大秀一峯高

康熙志在縣南三十里峯巒秀麗

九峯山

明隆慶志在縣南七十里其峯盤迴九折

黑象山

明隆慶志在縣南三十里山形如象

高林山

明隆慶志在城南六十里因林木高森故名

萬家山

明隆慶志在城西北二十里四會之衝卽回車衝

明馮恩過萬家山詩過此途平可夜行況當娟月對人
明雲開野徑遠山見露澤征袍寒鴈鳴傳食自慚虛歲
月守林真覺負平生孤臣敢謂君門遠汲黯當年犬馬
誠

趙宏璧萬山道中有感詩塵務迫幽懷凌晨起秣馬出
門雪打頭崎嶇萬山下藟山何巖巖車馬方囑圖異哉
巢與山巍然祠其巖巢由昔遺世棄名如東辰云何干
載後孔道喧遺址我行衝北風望君爲驚起回知祠君
者託意良有以江流不可回世趨不可砥勞勞盡往來
獨立者誰子請歌行路難君但掩君耳

鳳凰山

明隆慶志在城西九十里以形名

小獨山

明隆慶志在縣西四十里四無山附故名

明李桓詩橫岡短嶺迢迢屹立凌雲黛色饒迢到黃山分兩路行人遙指開全椒

牛角山

明隆慶志在縣南二十五里以形名

轉車山

明隆慶志在縣南六十里宋吏部侍郎獻肅公王蘭別墅

亭山

荀子解蔽篇桀死于亭山楊倞注亭山南巢之山或本作

鬲山

獨體山

括地志獨體山在巢東北五里昔范增居此山之陽

二郎峯

明隆慶志在縣東三十里

桃花嶺

明隆慶志在縣南六十里

小佛嶺

明隆慶志在縣西北十五里鄰萬家山

范王岡

明隆慶志在縣東五里有范增廟

康熙志一曰放王岡

崔仙洞

〔天下名勝志〕崔仙洞在巢縣南三十里洞多藥草有石牀藥臼存又有石橋險不可度縣人崔自然居之修煉歷年每冬雪恆于澗中澡浴

白龜洞

〔明隆慶志〕在縣西一十里昔洞中有白龜出入故名

白龍洞

〔明隆慶志〕在縣西北四十里嘗有白龍出